



Deba klima 2024

Informasion pou bann lekol

An partenarya avek

Dr François Gemenne

ek



RAJIV GANDHI SCIENCE CENTRE

Promoting Science and Technology

1. Introdiksyon

Mauritius Commercial Bank, an partenarya avec Rajiv Gandhi Science Centre, pe invit bann kolez pou anrezistre pou deziem edision **Deba Klima**, enn konkour deba. Bann partisipan pou bizin prezant bann argiman an **Kreol** lor plizir topik lor sanzman klimatik. Dan kompetision-la, pou ena bann konfrontasyon ant bann lekip etidian dan bann deba striktire, lor pozision pou ouswa kont enn topik, avek bann resers apropiye.

Bann etidian ki partisipe ek zot bann ansegnan pou benefisie enn formasyon par Dr. François Gemenne, enn spesialis zeopolitik lanvironman ek dinamik migrasyon.

2. Obzektif

1. Fer ki bann etidian pli konsyan bann defi social, ekonomik ek anvironmantal ki boukou pei fer fas, inkli Moris, aköz sanzman klimatik.
2. Fer ki bann etidian pli konsyan bann mezir prezan ek fitir, bann solision ek bann meyer pratik ki popilasyon, bann antrepriz, bann dirizan ek bann siantifik kapav adopte pou diminie limpak sanzman klimatik ek fer promosyon developman dirab

3. Ki kapav partisipe ?

Enn lekip par kolez kapav anrezistre pou kompetision. Sak lekip **bizin** ena **3** etidian **Grad 10, 11 ouswa 12** ek **1 ansegnan responsab**. Sak ansegnan, bann dan Sians ek langaz inkli, kapav siperviz bann etidian, pourvi ki zot motive pou gid zot dan sa kompetision inter-kolez la.

4. Kouma partisipe ?

Etap
1

Bann kolez anrezistre zot bann lekip

4 fevriye 2024

Rekter/ansegnan responsab sak lekol partisipan bizin fer kone ki zot ena lintansion partisipe kan zot ranpli sa form online-la. ENN LEKIP par kolez kapav anrezistre, ziska 4 fevriye 2024.



[Klik isi pou anrezistre zot kolez ouswa skan kod QR la](#)

Etap
2

Bann lekip soumet zot video

25 fevriye 2024

Sak lekip ki finn swazir pou reprezant so kolez pou bizin anrezistre enn video (3m40 ziska 4m longer), ki pou servi par Panel Ziri pou swazir bann lekip pou konpetision deba. **Tou le trwa** etidians bizin koz **san interipsion** san oken montaz dan video la. Bann lekip bizin swazir **ENN** bann topik swivan:

1. Kapav eliminn gaspiyaz manze zis par bann aksion volonter bann komers ki vann manze pou redistribie seki an plis.
2. Sel solision pou konbat sanzman klimatik se avek enn ogmantasion imedia pri bann karbiran fosil.
3. Lindistri touristik zwe enn rol extra inportan dan devlopman dirab, parski li ankouraz bann inisiativ pou protez nou planet, boost lekonomi ek soutenir bann menaz.
4. Fer compost bizin obligatwar dan lakaz ek dan bann biznes pou fer plis linpakt.

Etap
3

Panel ziri evalie bann video ki finn soumet

25 fevriye – 10 mars 2024

Enn panel ziri pou swazir 16 meyer lekip apartir bann video lor bann kriter swivan:

- Kalite, profonder ek pertinans bann argiman
- Konstrikision bann argiman
- Metrize size la
- Elokans, talan kominikasion

Etap
4

Formasion bann ansegnan ek etidians

19 - 20 mars 2024

Bann ansegnan ki sipervize ek bann etidians ki partisip dan bann lekip seleksione pou invite pou bann formasion avek Dr. François Gemenne. Sa formasion-la pou ed bann lekip prepar zot, avek bann linformasion, zouti ek teknik ki zot pou bizin pandan konpetision. 16 lekip ki finn swazir pou resevwar enn *toolkit* pou gid zot.

Etap
5

Bann deba pran plas

24 avril – 6 zwin 2024

De lekip pou debat pou ouswa kont mosion ki pou determine avan sak tour. Sak lekip, seki propoze ek opoze, pou prezant deba-la koumsa:

- Introdikision topik ek devlopman bann argiman (5 minit max)
- Konsiltasion parmi bann mam lekip (2 minit max)
- Prezantasion bann pwin pou refiter (5 minit max)
- Konklision (3 minit max)

Enn panel ziri pou evalie bann lekip lor bann kriter swivan :

- Organizasion, priorite ek klarte bann argiman
- Konteni, rezonman ek prev
- Kestionman ek refite
- Expresion ek prezantasion
- Travay lekip ek respe bann reg

Bann faz eliminatwar pou deroul koumsa:



Konpetision-la pou anrezistre ek kapav pou difiz lor TV ek rezo sosio.

5. Pri

Seremoni remiz pri pou deroul le 6 zwin 2024. Bann pri :

Etidian:

Gagnan: Enn voyaz ecolozik pou dekouver Rodrig + kont savings valer Rs 30,000 pou sak etidian

Finalis perdan: Pri valer Rs 15,000 pou sak etidian

Demi finalis: Pri valer Rs 8,000 pou sak etidian

Ansegnan sipervizer:


Gagnan: Enn voyaz ecolozik pou dekouver Rodrig + kont savings valer Rs 6,000

Finalis perdan: Pri valer Rs 4,000

Demi finalis: Pri valer Rs 3,000

Tou partisipan ki ariv ziska witiem final pou gagn enn exkirsion ekolozik dan rezerv natir Ebony Forest.

6. Bann letap*



*Bann kolez pou informe si ena bann dat ki sanze

7. Regleman

- Sak lekol bizin anrezistre **enn** sel lekip avek **3 etidian** selman, ki travay sou responsabilite **1** ansegnan.
- Bann etidian reprezant zot kolez ek na pa gagn drwa partisip individielman.
- Bann etidian ki anrezistre bizin prezan ziska bann faz final konpetision, a mwin ennn sitiason *force majeure*.
- Tou deba pou an Kreol.
- Video pou lexersis seleksion **bizin pa depas 4 minit**. Bann lekip ki pa soumet zot video avan **25 fevriye 2024** pou diskalifie.
- Partisipan ki pa respekte letan ki zot ena pandan bann deba pou penalize.
- Bann tem ek mosion ki pou debat pou fer par tirazosor.
- A traver partisipasion dan konpetision deba, etidian ek zot bann paran, ansegnan ek responsab bann kolez donn permission komite organizater pou servi zot non, non lekol, foto ek video kot zot paret ek ki pou filme pou promocion ouswa kominikasion lor konpetision deba. Partisipan pa tini MCB ek RGSC responsab pou nimport ki reklamasyon, det ek dega ki koze direktman ouswa indirektman par zot partisipasion dan konkour.
- Mank respe, itilizasion langaz grosier, ton agresif, konteni violan ek ki mank respe pa pou tolere a oken moman ek pou kapav entren diskalifikasyon.
- Desizion Ziri final.

8. Adres

The Director

Rajiv Gandhi Science Centre
Old Moka Road, Bell Village

Tel: 2132773

Fax: 2132726

Email: education@rgsctf.org

Website: rgsc.govmu.org